

| | | | |
|-------------|---------------------------------------|--------------|--------------------|
| Headline | 66,418 golongan muda hidap HIV | Language | MALAY |
| Date | 24. Jun 2009 | Page No | 14 |
| Media Title | Kosmo | Article Size | 93 cm2 |
| Section | Negara | Frequency | Daily |
| Circulation | 108796 | Color | Black/White |
| Readership | 406000 | AdValue | 429.28 |



66,418 golongan muda hidap HIV

KOTA BHARU - Statistik Kementerian Kesihatan sejak tahun 2006 hingga hari ini mendapati seramai 66,418 penghidap HIV di negara ini adalah golongan muda yang berumur antara 13 hingga 39 tahun.

Melalui statistik tersebut juga menggambarkan bahawa golongan remaja khususnya sudah mula terlibat dalam aktiviti berisiko tinggi seperti pengambilan dadah dan gaya hidup seks bebas sejak umur belasan tahun.

Lebih malang lagi, kajian yang dijalankan sejak tahun 2006 itu menunjukkan 210 daripada 649 responden berumur 13 hingga 14 tiada pengeta-

huan tentang penyakit maut tersebut.

Pengarah Bahagian Pendidikan Kementerian Kesihatan, Abdul Jabar Ahmad menyifatkan trend baru itu seiring dengan peningkatan kes jenayah yang membabitkan golongan tersebut.

"Kita perlu lebih celik, sedar mengenai seriusnya kesan penyakit ini, jadi ia perlu dididik dengan lebih awal," katanya yang membacakan teks ucapan Menteri Kesihatan, Datuk Seri Liow Tiong Lai sempena Majlis Konvensyen Program Sihat Untuk Remaja (Prostar) di sini semalam.

Menurutnya, melalui Prostar, pelajar sekolah akan mengikuti latihan

yang berkaitan dengan pengetahuan dan kemahiran kesihatan sebelum menjadi fasilitator yang ditauliahkan.

Beliau menjelaskan, pencapaian program tersebut sangat memberangsangkan dengan melahirkan seramai 114,825 peserta yang terdiri daripada golongan remaja yang mampu untuk membincangkan dan memberi pengetahuan kepada rakan sebaya mengenai kesihatan.

"Kita sedang berusaha dengan Kementerian Pelajaran untuk menjadikan Prostar di sekolah sebagai aktiviti kokurikulum yang diiktiraf," tambahnya.